



Tuhaqtitaujukhaq

Qilamik Tuhaqtitaujukhaq

Nunavut hakugikhijuumiqtaa qilamiunirmun kiudjutit aktilaangit ikajuqtaublutik ukunanga Canadian Red Crosskunin

Qitiqqautijuq 21, 2026 (Iqaluit, Nunavut) – Kavamatkut Nunavunmi, haffumuunga Nunavunmi Qilamiunikkut Munaridjutit (NEM), havaqatigiliqtait ukua Canadian Red Cross ihuaqhijuumiriangani qilamiunirmun kiudjutit aktilaangit uvalu pijaangini nunallaat pijaqtut pijaarnirmun akhuungnaqtunik ikajuutinik humi ihariagikpiarumigit.

Ukua Canadian Red Crosskut tunihijut imaukangnirmun halumaqhinnirmun halumaqhittikhanik ikajuutikhat nunallaanun imaukkangnirmun hulidjutit, kitut NEM tutqikahaliqtaat aularutikhaa pihimajuq naunaijaqhimajukkut ihariaginikkut. Una ilaujuq ikajuqhugit Urhuqtuumiut, humi kiudjutit naamakhidjutillu akhuurutit aulahimaaqtumik malikhugit qanganuaq hilakkut unalu hivitujumik pawaiqhimannirmun hulaqutigijaat tamaat nunallaap.

Una havaqatigiingnirmun pidjuttaujut uqautiginikkut uqariirutit pijaangini Nunavunmi nunallat pijaqtut pijaarnirmun ihuaqtunik, nunami ikajuutinik humi ihariagijaukpata akhut.. Hakugikhijuumirutijuqlu aviktuqhimajumi pijaarnirmun kiudjutigilugit qilamik ihuaqtumiklu ungahiktuni uvalu ajungnautiqagtut qanuriniit.

“Nunallaat Nunavunmi atuqtut aalangajunik ajuqhtuinik atuqtilugit qilamiurutit, haffumanga akhut hilarlungnikkut atuqtauqpiagtunun kiudjutit tunungani avatiini,” uqaqtuq Ministaa Minista Nunalingni Kavamatkunnilu Pivikhaqautikkut Craig Simailak. “Havaqatigidjutit ukununga Canadian Red Crosskunin ikajuuttaujut pijaangini inuit pijaqtut pijaarnirmun ikajuutinun ihariagigumitkit, hakugikhijuumirahuaqtilugu pijaarnivut kiudjutinun ihuaqtumik avatiini aviktuqhimajup.”

Ukua Canadian Red Cross havaqatigijait ukua kavamatkut nunallaallu tunihijaamingnik inungnun ikajuutinik atuqtulugit qilamiurutit, ilaujut kiudjutit naamakhinnirmunlu ikajuutinik, pidjutiqaqtut akhuungnaqtunik tunihinirmun ihuaqtunik ikajuutinik nunallaanun avatiini Kanadap.

NEMkut aulahimaaqtumik havaqatigijait qanitukkut aviktuqhimajuq, kanada ukualu nunallaani havaqatigiit pijaangini nunallaat avatiini Nunavut upalungaijariiqhimaqut, ikajuqtauqut atuqtilugit qilamiurutit, ikajuqaulutiklu naamakhivalianirmun.

Tuhaqtipkainikkut Uqaqvigijakhat:

Canadian Red Cross
Tuhagtijutinuun Ilaujut
1-877-599-9602
media@redcross.ca

News releases are available in Inuktitut, English, Inuinnaqtun and French on www.gov.nu.ca.
Tuhagtitaujukhat hailihimajun Inuktitut, Qablunaatun, Inuinnaqtun Uviutullu uvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.